

MØTEBOK

Organ	Hovudutval for næring og kultur
Møtestad	Fylkeshuset, møterom Firda
Møtedato	24.11.2015
Kl.	12:00 – 15:15

Faste medlemer til stades:

Karen Marie Hjelveseter, Sp, leiar
Jakob Andre Sandal, SV, nestleiar
Aleksander Øren Heen, Sp
Erlend Haugen Herstad, Sp
Hilmar Høl, Ap
Torbjørn Vereide, Ap
Anne Lilleaasen, H
Marita Gunn Aarvik, Frp
Jon Olav Kvamme, KrF

Forfall til møtet:

Varamedlemer til stades:

Til stades med møte- og talerett:

Fylkesdirektør Jan Heggheim
Fylkesdirektør Ingebjørg Erikstad

Sekretariat for møtet:

Helga Bjørkhaug

Ingen merknader til innkalling og sakliste.

Utvalet tok stilling til om kva saker som skal vere opne/lukka.
Hovudutvalet vedtok at sak nr. 20/15 Fylkeskulturprisen 2015 vert handsama for lukka dører, jf. kommunelova § 31, nr. 5.

Møtebok frå 27.10.2015 vart godkjend utan merknader.

Orientering:

Adm. direktør i Fjord Norge Kristian B. Jørgensen orienterte om Fjord Norge sin aktivitet og deira bruk av fylkeskommunale tilskotsmidlar.

SAK 5/15 Verdiskapingsplanen for Sogn og Fjordane. Satsinga landbruk vert lagt ut for høyring

VEDTAK:

Hovudutval for næring og kultur rår fylkesutvalet til å gjere slikt vedtak:

1. Dokumentet «Landbruk i verdiskapingsplanen» vert lagt ut på høyring med høyringsfrist 15. februar 2016.
2. Satsinga skal innarbeidast som del av verdiskapingsplanen for Sogn og Fjordane.

SAK 6/15 Bestilling til Regionalt forskingsfond Vestlandet 2016 - 2019

Frå fylkesrådmannen låg det føre slik tilråding til vedtak:

Fylkesrådmannen rår hovudutval for næring og kultur til å gje slik tilråding: Hovudutvalet rår fylkestinget til å gjere slikt vedtak:

1. Fylkestinget vedtek bestillinga til Regionalt forskingsfond Vestlandet 2016-2019.
2. Fylkestinget føreset at fylkeskommunane nyttar høvet til å koma med supplerande føringar i samband med årsrapporteringane, slik at fondsstyret får dei definerte målsetjingane frå fylka å arbeida med, som retningslinjene tilseier.

Fylkesrådmannen rår hovudutvalet for næring og kultur til å gjere slikt vedtak:

Som saksordførar i fylkestinget vert vald: _____

Endringsframlegg:

Arbeiderpartiet sette fram slikt framlegg til saksordførar: Jakob Andre Sandal, SV

Høgre og Framstegpartiet sette fram slikt framlegg til eit pkt 3:

Sogn og Fjordane fylkeskommune ber styret i regionalt forskingsfond Vestlandet om å legge inn følgjande prioriterte forskningstema i sitt arbeid:

Teknologiutvikling basert på digitale forretningsmodellar tilpassa den eksponensielle naturen i internettøkonomien (eksempel: Spotify, Uber, Tesla Motors forretningsmodell for bil/software-oppgaderinger, 3D).

Avrøysting:

Tilrådinga frå fylkesrådmannen punkt 1 og 2 og endringsframlegget frå Høgre og Framstegpartiet til eit punkt 3 vart samrøystes vedteke.

Arbeiderpartiet sitt framlegg til saksordførar vart samrøystes vedteke.

Dette gir følgjande VEDTAK:

Hovudutval for næring og kultur rår fylkestinget til å gjere slikt vedtak:

1. Fylkestinget vedtek bestillinga til Regionalt forskingsfond Vestlandet 2016-2019.
2. Fylkestinget føreset at fylkeskommunane nyttar høvet til å koma med supplerande føringar i samband med årsrapporteringane, slik at fondsstyret får dei definerte målsetjingane frå fylka å arbeida med, som retningslinjene tilseier.
3. Sogn og Fjordane fylkeskommune ber styret i regionalt forskingsfond Vestlandet om å legge inn følgjande prioriterte forskingstema i sitt arbeid:

Teknologiutvikling basert på digitale forretningsmodellar tilpassa den eksponensielle naturen i internettøkonomien (eksempel: Spotify, Uber, Tesla Motors forretningsmodell for bil/software-oppgraderinger, 3D).

Som saksordførar i fylkestinget vart vald: Jakob Andre Sandal, SV

SAK 7/15 Regionale utviklingsmidlar 2015 fordeling 4

VEDTAK:

1. Kunnskapsparken i Sogn og Fjordane vert støtta med 200 000 kroner til forprosjektet «Grønt skifte-grøn vekst basert på avfall som ressurs» i 2016.
2. Vestnorsk Filmkommissjon vert støtta med 300 000 kroner i driftsstøtte i 2016.
3. Næringsavdelinga vert støtta med 500 000 kroner til dekning av breibandprosjektet i 2016.
4. Næringsavdelinga vert støtta med 600 000 kroner til ei stilling som sikrar Noregs Forskingråd sin representasjon i fylket for ein treårsperiode frå 2016-2018.
5. Adalia AS får avslag på søknad om tilskot til å lage TV-serie om gründerar i Sogn og Fjordane.
6. Bygge- og eigedomstenesta vert støtta med 150 000 kroner i anleggsbidrag ved utbygging av varmeanlegg ved Mo- og Øyrane vidaregåande skule, avd. Mo.
7. IT-forum Sogn og Fjordane vert støtta med 500 000 kroner i driftsstøtte for 2015.
8. Fylkeskommunane sitt akvakultursamarbeid vert støtta med 120 000 kroner fordelt med 60 000 kroner for 2016 og 60 000 kroner for 2017 til ei prosjektstilling innafor akvakulturforvaltning.
9. Tilskota vert finansiert slik:

1. Tilskotet til Kunnskapsparken i Sogn og Fjordane, Vestnorsk Filmkommisjon, bygge- og eigedomstenesta og fylkeskommunane sitt akvakultursamarbeid vert dekkja med disponible driftsmidlar frå budsjett 2015.
2. Midlane til breibandprosjektet vert dekkja med disponible regionale utviklingsmidlar frå budsjett 2015, opphavleg avsett til nyskaping.
3. Finansiering av stillinga til Noregs Forskingsråd vert henta frå budsjetterte midlar til satsinga kunnskap for 2015, tenesteområde 7018 kunnskap.
4. Tilskotet til IT-Forum vert dekkja med avsette midlar i budsjett for 2015, tenesteområde 7011 Kommunikasjonsteknologi.

**SAK 8/15 Revisjon av retningsliner for kommunale næringsfond
frå 01.01.2016**

VEDTAK:

1. Hovudutval for næring og kultur vedtek retningsliner for kommunale næringsfond frå 01.01.2016 i tråd med endringar føreslått i vedlegg 1.

SAK 9/15 Kommunale næringsfond 2015 - tildeling nr. 2

VEDTAK:

1. HAFS Utvikling AS får innvilga søknad om stimuleringstilskot for felles næringsfond og førstelineteneste til ein samla sum på kr. 250 000 i 2015. Stimuleringstilskota vert fordelt slik:
 - Kommunane Fjaler og Solund får eit stimuleringstilskot på kr. 50 000 kvar for felles næringsfond i 2015.
 - Kommunane Askvoll, Fjaler og Solund får eit stimuleringstilskot på kr. 50 000 kvar for felles førstelineteneste i 2015.
2. Tilskotet vert dekkja med avsette midlar til kommunale næringsfond i 2015, tenesteområde 7015 Nyskaping.

**SAK 10/15 Vurdering av søknadar til Marint verdiskapingsfond
2015**

VEDTAK:

- 1 Sogn og Fjordane fylkeskommune finn ikkje at dei tre prosjekta som er vurdert relevante for finansiering utifrå fondet sine vedtekter, har ein slik kvalitet at dei er mogne for finansiering gjennom Marint Verdiskapingsfond Sogn og Fjordane.
- 2 Fylkeskommunen vil i denne omgang ikkje gje finansiell støtte til nokon av søknadane.
- 3 Det vert gjennomført ein ny utlysing i Marint Verdiskapingsfond Sogn og Fjordane allereie i 2015 slik at desse søkjarane, til like med nye søkjarar, raskt kan søke prosjektfinansiering frå fondet.

SAK 11/15 Forlenging av planperiode, og rullering av handlingsprogram for regional plan for fysisk aktivitet, idrett og friluftsliv 2016-2019.

VEDTAK:

**Hovudutval for næring og kultur rår fylkesutvalet til å gje slik tilråding:
Fylkesutvalet rår fylkestinget til å gjere slikt vedtak:**

1. Regional plan for fysisk aktivitet, idrett og friluftsliv 2014-17 vert forlenga t.o.m. 2019.
2. Handlingsprogram for aktivitetsskapande tiltak 2016-19 vert vedteke som i vedlegg 1.
3. Handlingsprogram for anlegg 2016-2019 vert vedteke slik det ligg føre i vedlegg 2.
4. Langtidsprogram for anlegg etter 2019 vert vedteke slik det ligg føre i vedlegg 3.

SAK 12/15 Konsekvensar av ei mogleg lisensordning for pengespel - høyringsuttale

Frå fylkesrådmannen låg det føre slik tilråding til vedtak:

**Fylkesrådmannen rår hovudutval næring og kultur til å gje slik tilråding:
Hovudutval næring og kultur rår fylkesutvalet til å gjere slikt vedtak:**

1. Fylkesutvalet meiner at ordninga med dagens einerettsmodell fungerer godt, og rår til at denne ordninga vert vidareført.
2. Om dagens ordning vert endra til ein lisensmodell er det viktig å avklare korleis frivillig sektor sine inntekter gjennom spelemidlane, samt dagens finansielle bidrag til kunst og kultur, skal sikrast. Fylkesutvalet føreset at finansieringa av desse områda ikkje vert skadelidande som følgje av ei ev. omlegging.
3. Tiltaka som i dag er sett i verk for ansvarleg spel vert tilrådd vidareført uavhengig av kva reguleringsmodell som vert valt. Dette omfattar både tiltak overfor operatørar i marknaden og overfor spelarane.
4. Omsynet til personvern for spelarane er ikkje eit tungt nok argument mot å sette i gang gjennomgripande tiltak for ansvarleg spel.

Endringsframlegg:

Anne Lilleaasen, H og Marita Aarvik, Frp sette fram slikt framlegg til tilråding i staden for tilrådinga frå fylkesrådmannen:

1. Fylkesutvalet meiner at utviklinga i teknologi og nye spelvanar har ført til eit behov for å endre dagens ordning for pengespel. Endringane må innebære at fleire aktørar får høve til å få lisens for å drive pengespel i Norge, men likevel underlagt streng regulering for å ivareta personar med spelproblem, og inntektene til idrett og frivillig sektor.
2. Om dagens ordning vert endra til ein lisensmodell er det viktig å avklare korleis frivillig sektor sine inntekter gjennom spelemidlane, samt dagens finansielle bidrag til kunst og kultur, skal sikrast. Fylkesutvalet føreset at finansieringa av desse områda ikkje vert skadelidande som følgje av ei ev. omlegging.
3. Tiltaka som i dag er sett i verk for ansvarleg spel vert tilrådd vidareført uavhengig av kva reguleringsmodell som vert valt. Dette omfattar både tiltak overfor operatørar i marknaden og overfor spelarane.

Avrøysting:

Det vart røysta alternativt over tilrådinga frå fylkesrådmannen og endringsframlegget frå Anne Lilleaasen, H og Marita Aarvik, Frp. Framlegg frå Anne Lilleaasen, H og Marita Aarvik, Frp fekk 2 røyster (H og Frp) og vart dermed forkasta. Tilrådinga frå fylkesrådmannen fekk 7 røyster og vart dermed vedteke.

Dette gir følgjande VEDTAK:

Hovudutval næring og kultur rår fylkesutvalet til å gjere slikt vedtak:

1. Fylkesutvalet meiner at ordninga med dagens einerettsmodell fungerer godt, og rår til at denne ordninga vert vidareført.
2. Om dagens ordning vert endra til ein lisensmodell er det viktig å avklare korleis frivillig sektor sine inntekter gjennom spelemidlane, samt dagens finansielle bidrag til kunst og kultur, skal sikrast. Fylkesutvalet føreset at finansieringa av desse områda ikkje vert skadelidande som følgje av ei ev. omlegging.
3. Tiltaka som i dag er sett i verk for ansvarleg spel vert tilrådd vidareført uavhengig av kva reguleringsmodell som vert valt. Dette omfattar både tiltak overfor operatørar i marknaden og overfor spelarane.
4. Omsynet til personvern for spelarane er ikkje eit tungt nok argument mot å sette i gang gjennomgripande tiltak for ansvarleg spel.

SAK 13/15 Tusenårsstaden Gulatinget - ny strategi og avtale mellom Sogn og Fjordane fylkeskommune og Gulen kommune.

VEDTAK:

Hovudutval for næring og kultur rår fylkestinget til å gjere slikt vedtak:

1. Ny strategi for utvikling av Gulatinget 2016-2020, jf. vedlegg 1, vert godkjent.
2. Ny avtale mellom Sogn og Fjordane fylkeskommune og Gulen kommune om utvikling, vedlikehald, drift og formidling av tusenårsstaden Gulatinget, jf. vedlegg 2, vert godkjent.

Som saksordfører i fylkestinget vart valt: Torbjørn Vereide, Ap

SAK 14/15 Revisjon av reglementa for fylkestinget, fylkesutvalet, hovudutvala m.m.

VEDTAK:

**Hovudutval for næring og kultur rår fylkesutvalet til å gje slik tilråding:
Fylkesutvalet rår fylkestinget til å gjere slikt vedtak:**

1. Reglementet for fylkestinget vert vedteke i samsvar med vedlegg 1.
 2. Reglementet for sakshandsaming i politiske utval vert vedteke i samsvar med vedlegg 2.
 3. Reglementet for fylkesutvalet vert vedteke i samsvar med vedlegg 3.
 4. Reglementet for hovudutvalet for næring og kultur vert vedteke i samsvar med vedlegg 4.
 5. Reglementet for hovudutvalet for samferdsle vert vedteke i samsvar med vedlegg 5.
 6. Reglementet for hovudutvalet for opplæring vert vedteke i samsvar med vedlegg 6.
 7. Reglementet for folkevalde sin innsynsrett vert vedteke i samsvar med vedlegg 7.
-

SAK 15/15 Val av styremedlemer til Botnaneset Industriselskap

VEDTAK:

Følgjande vert utnemnde til styremedlemer i Botnaneset Industriselskap AS:

Styremedlem: Åshild Kjelsnes, Ap
Personleg varamedlem: Sigurd Reksnes, Sp
Styremedlem: Aleksander Øren Heen, Sp
Personleg varamedlem: Hilmar Høl, Ap

SAK 16/15 Lutelandet Utvikling - styrekandidatar

VEDTAK:

Det vert valt nye styremedlemar i Lutelandet Utvikling as når dei nye vedtektene er vedtekne. Inntil vidare vil dagens styremedlemer frå fylkeskommunen halde fram.

SAK 17/15 Oppnemning av representantar til styre, råd og utval

VEDTAK:

Stiftinga Norsk Kvernsteinsenter - styremedlemer:

Medlem: Anne Lilleaasen, H
Vara: Arve Mjømen, H

Medlem: Nils R. Sandal, Sp
Vara: Steinar Sørli

Stiftinga Vestnorsk Jazzsenter - styremedlem:

Medlem: Hallvard Oppedal, Sp
Vara: Harald Bjarte Reite, Ap

Stiftinga Norsk Countrytreff - representantskapen:

Medlem: Karen Marie Hjelmeseter, Sp
Vara: Jakob Andre Sandal, SV

Stiftinga Balejazz – representantskapen:

Medlem: Karen Marie Hjelmeseter, Sp
Vara: Jakob Andre Sandal, SV

Stiftinga Førde Internasjonale Folkemusikkfestival – representantskapen:

Medlem: Karen Marie Hjelmeseter, Sp
Vara: Jakob Andre Sandal, SV

Stiftinga Musea i Sogn og Fjordane – rådsmedlem:

Medlem: Jenny Følling, Sp
Vara: Åshild Kjelsnes, Ap

Stiftinga Nynorsk Kultursentrum - rådsmedlem:

Medlem: Hege Lothe, SV
Vara: Jon Olav Kvamme, KrF

Landssamanslutninga av nynorskkommunar (LNK) - utsendingar:

Utsending: Jenny Følling, Sp
Vara: Åshild Kjelsnes, Ap

Utsending: Karen Marie Hjelmeseter, Sp
Vara: Jakob Andre Sandal, SV

Tusenårsstaden Gulatinget - styringsgruppa:

Medlem: Karen Marie Hjelmeseter, Sp

Vara: Jakob Andre Sandal, SV

Kystpilegrimsprosjektet - styringsgruppa:

Medlem: Marita Aarvik, Frp

Vara: Jakob Andre Sandal, SV

Nynorskfylket - representant:

Medlem: Gunhild Berge Stang, V

Vara: Beate Bondevik Lie, KrF

Vestnorsk filmsenter – styremedlem:

Medlem: Hilde Kvamsås Aa, SV

Vara: Anne Lilleaasen, H

Representant til fagjury – kunstnarstipend:

Medlem: Erlend Herstad, Sp

Vara: Ivar Svensøy, Ap

SAK 18/15 Møteplan 2016 - hovudutval for næring og kultur

Frå fylkesdirektørane låg det føre slik tilråding til vedtak:

Fylkesdirektørane rår hovudutval for næring og kultur til å gjere slikt vedtak:

Møteplan 2016 – hovudutval for næring og kultur:

Tysdag 9. februar

Tysdag 15. mars

Tysdag 12. april

Torsdag 12. mai

Tysdag 31. mai

Måndag 20. - tysdag 21. juni

Tysdag 27. september

Tysdag 25. oktober

Tysdag 22. november

Endringsframlegg:

Hovudutvalet sette fram slikt framlegg som vart samrøystes vedteke:

Tysdag 2. februar istadenfor tysdag 9. februar.

Dette gir følgjande VEDTAK:

Møteplan 2016 – hovudutval for næring og kultur:

Tysdag 2. februar

Tysdag 15. mars
Tysdag 12. april
Torsdag 12. mai
Tysdag 31. mai
Måndag 20. - tysdag 21. juni
Tysdag 27. september
Tysdag 25. oktober
Tysdag 22. november

SAK 19/15 Budsjett 2016/Økonomiplan 2016-19

VEDTAK:

**Hovudutval for næring og kultur rår fylkesutvalet til å gje slik tilråding:
Fylkesutvalet rår fylkestinget til å gjere slikt vedtak:**

1. Dokumentet "Budsjett 2016/økonomiplan 2016-19" utgjer det overordna styringsdokumentet for den fylkeskommunale verksemda for åra 2016-19.
2. Budsjettreglementet vert vedteke slik det ligg føre i dokumentet "Budsjett 2016/økonomiplan 2016-19".
3. Driftsbudsjettet for 2016 og tilhøyrande økonomiplan vert vedteke i samsvar med obligatorisk budsjettskjema 1A og 1B. Dette inneber at 2 173,076 mill. kr til driftsføremål vert fordelt på sektornivå slik i 2016:

	Programområde	Budsjett 2016
400	Politisk styring	41,397
410	Kontroll og revisjon	4,289
420	Administrasjon	77,299
421	Forvaltningsutgifter i eiendomsforvaltningen	9,370
430	Administrasjonslokaler	6,108
460	Tjenester utenfor ordinært fylkeskommunalt ansvarsområde	0,675
480	Diverse fellesutgifter	11,403
715	Lokal og regional utvikling	11,863
716	Friluftsliv og miljø	5,756
	Sum forvaltning	168,160
510	Skolelokaler og internatbygninger	103,522
515	Fellesutgifter og støttefunksjoner knyttet til videregående opplæring	66,495
520	Pedagogisk ledelse, pedagogiske fellesutgifter og gjesteelevsoppgjør	120,419
521-532	Utdanningsprogramma	331,951

554	Fagskole	24,329
559	Landslinjer	4,955
561	Oppfølgingstjenesten og pedagogisk psykologisk tjeneste	20,385
562	Spesialundervisning og særskilt tilpasset opplæring	70,203
570	Fagopplæring i arbeidslivet	99,533
581	Voksenopplæring etter opplæringsloven	5,706
590	Andre formål	9,936
	Resultatoverføring opplæring	
	Sum opplæring	857,434
660	Tannhelsetjeneste - fellesfunksjoner	18,089
665	Tannhelsetjeneste - pasientbehandling	63,557
	Resultatoverføring tannhelse	
	Sum tannhelse	81,646
700	Tilrettelegging og bistand for næringslivet	0
701	Tilrettelegging, støtte-/finansieringsbistand næringslivet	78 803
740	Bibliotek	5,882
750	Kulturminnevern	13,148
760	Musèer	16,654
771	Kunstformidling	9,943
772	Kunstproduksjon	11,490
775	Idrett	3,293
790	Andre kulturaktiviteter	11,010
	SUM NÆRING og KULTUR	150,223
722	Fylkesveier, miljø- og trafiksikkerhetstiltak	465,447
730	Bilruter	264,029
731	Fylkesveiferjer	115,963
732	Båtruter	107,875
733	Transport (ordninger) for funksjonshemmede	10,299
	Sum samferdsle	963,613
	Korreksjon utg/innt ført ansvar 900:930	-48,000
	Til fordeling drift - frå skjema 1A	2 173,076

Innan driftsbudsjettet får hovudutvala høve til å endre fordeling av rammene i tråd med fullmakter gjevne i budsjettreglementet.

Hovudutvala sine vedtak må tilpassast dei føringar som ligg i FT sitt budsjettvedtak.

Hovudutval for opplæring får fullmakt til å godkjenne mandatet og kome med framlegg til prinsipielle føringar for utgreiinga *innsparingspotensiale i tilbodsstruktur (#59)*.

Hovudutval for næring og kultur får fullmakt til å godkjenne ny avtale med destinasjonsselskapa for åra 2016 og 2017, innanfor ei årleg ramme på 2,7 mill. kr og ny fleirårig avtale med Fjord Norge, innanfor ei årleg ramme på 3 mill. kr. Avtalane skal utarbeidast innanfor rammene til programområde 701 tilrettelegging for næringslivet.

Fylkesrådmannen får fullmakt til å organisere karriererettleiingstenesta i samarbeid med partnerskapen innanfor ramma av det statlege tilskotet og eventuelle bidrag frå partnerskapen.

I høve sluttsaldering av kostnader knytt til brannen i Skatestraumtunnelen får fylkesrådmannen fullmakt til å saldere avrekning av tildelt skjønstilskot frå KMD og eventuell erstatning frå eigar av vogntoget si ansvarsforsikring mot skadefondet for fylkesvegnettet.

4. Kapitalbudsjettet for 2016 og tilhøyrande økonomiplan vert vedteke i samsvar med obligatorisk budsjettskjema 2A og 2B. Dette inneber følgjande finansiering og sektorfordeling i 2016:

	Budsjett 2016
Investeringer i anleggsmidler	607,071
Kjøp av aksjer og andeler	2,000
Årets finansieringsbehov	609,071
Finansiert slik:	
Bruk av lånemidler	311,000
Tilskudd til investeringer	145,300
Kompensasjon for merverdiavgift	102,106
Mottatte avdrag på utlån og refusjoner	7,900
Sum ekstern finansiering	566,306
Overført fra driftsbudsjettet	18,145
Bruk av avsetninger	24,620
Sum finansiering	609,071

Sektorfordeling	
Forvaltning og fellesutgifter	11,400
Opplæring	198,871
Tannhelse	4,000
Samferdsle	391,400
Kultur	3,400
Sum fordelt - frå 2A	609,071

5. Økonomiplanen sine rammer for 2017-19 skal i utgangspunktet leggjast til grunn for arbeidet med neste års budsjett og økonomiplan.

SAK 20/15 Fylkeskulturprisen 2015

VEDTAK:

Fylkeskulturprisen for 2015 blir tildelt Hilde Bjørkum.

SAK 21/15 Skriv og meldingar - Hovudutval for næring og kultur 24.11.2015

Hovudutvalet tok følgjande skriv til orientering:

1. Opera Nordfjord - evaluering av region- og distriktsopera / musikkteater

